



# بحوث الرأي العام مواطنو تونس يعبرون عن آرائهم

10-17 أفريل 2014

U.S.-Middle East Partnership Initiative



# أهداف البحث والسياق

- مقارنة ومُباينة مواقف وآراء النساء والرجال في مناطق مختلفة في تونس بغية توفير معلومات أنيَّة وموضوعية للقيادة السياسية والمدنية.

تشمل المواضيع الرئيسية ما يلي:

- المواقف إزاء توجه البلاد والأولويات التي تمس حياة المواطن اليومية؛
- وجهات النظر حول وضعية المداولات السياسية، بما في ذلك حكومة تصريف الأعمال والمداولات التشريعية الحالية؛ و،
- التوقعات بخصوص القادة السياسيين والأحزاب والتحالفات في ضوء الانتخابات المقبلة.



# المنهجية

- مناقشة الدليل الموضوع من قبل المعهد الديمقراطي الوطني، وذلك بالتشاور مع ELKA للاستشارات و الشركاء التونسيين
- مجموعات التركيز هي البحث النوعي لا الكمي
- تُستخدم مجموعات التركيز لفهم المواقف السائدة بين مختلف الفئات الاجتماعية من ثم فحصها بتعمق لمعرفة أسبابها
- يمكن أن تُعزى المواقف المحددة فقط للمشاركين؛ فهي عينات لا تمثل عددًا عريضًا من السكان



# المنهجية

- أربعة مدن مُختارة: تونس الكبرى و بنزرت والكاف و مدنين
- يتمُّ إنتداب المشاركين في خمسِ نقاط أخذ العينات عبر كل مدينة
- يتم اختيار المشاركين من طرف منتدبين ELKA من خلال إشراك المارة في الشارع
- معايير الاختيار:
  - ثلاث مجموعات في كل المدينة: (1) الشباب المختلط من 25 سنة إلى 34؛ (2) النساء أكثر من 35؛ (3) الرجال أكثر من 35
  - وكان التوزيع المتساوي هدف من كل نقطة عينة



# ملاحح المشاركون

• 142 مشاركا من تونس الكبرى  
وبنزرت والكاف، و مدنن

• أُجرى العمل الميداني من 10 إلى 17  
أفريل

• تنوع المهن والأعمار والأحياء  
داخل كل مجموعة

• ثمانية إلى اثني عشر مشاركا في  
كل مجموعة

العدد	الجنس
71	انثى
71	نكر
العدد	السن
46	34-25
96	35+
العدد	المهنة
91	عامل
28	عاطل عن العمل
19	ربة بيت
4	طالب
التعليم	العدد
55	تعليم جامعي
47	تعليم ثانوي
33	تعليم ابتدائي
7	لا شيء

# توجّه البلاد

استشهد العديد من المشاركين بالتقدم السياسي في عام 2014 - بما في ذلك المصادقة على الدستور وتقليد المسؤولية لحكومة تصريف أعمال - و تحسن الأمن بشكل طفيف مقارنة بالعام الماضي، كدليل على ان البلاد تسير في الاتجاه الصحيح.

- "عنا الدستور، عنا ليزي، وما عناش إقصاء كيما في البلدان لخرى، يعني الأمور قاعدة تمشي في الطريق الصحيح". (ذكر، الكاف، 41 سنة، يشتغل)
- "بصفة عامة توجهات الحكومة قاعدة تمشي في طريق الصحيح ، وخاصة، بعد ما طاحت النهضة ." (ذكر، تونس، 39 سنة، يشتغل)
- "الحكومة قاعدة تصلح في الأمن والاقتصاد، والمشاكل الاجتماعية بما انها ما عندهاش انتماءات الحزبية هذا يساعد توجيه البلاد في الاتجاه الصحيح. ولو يوم يشد رئيس مستقل، حال البلاد يولي أحسن. " (أنثى، الكاف، 58 سنة، تشتغل)
- "جاء لتونس مليون زائر حتى إخر مارس. وزيرة السياحة في حكومة جمعة هي إلي عملت هاكا -كان نكملو هاكا، تو نرجعو نعيشو كما كنا في عام 2010. نحس إنو جمعة رجل دولة ". (ذكر، تونس، 30 سنة، يشتغل)
- "في وقت 14 جانفي [2011]، الناس كانوا مذعورين وخايفين. نهار عيد الشهداء، العباد خرجت مع بعضها، بش يحتفلو بطريقة سلمية. و هذا التغيير في الوعي هو نوع من أنواع التقدم. " (أنثى، تونس، 26 سنة، عاطلة عن العمل)
- "كي نمشي من بلاصا لبلاصا، تحس بالأمن موجود. البولسية موجودين و في حالة تأهب. بالرغم انهم خايفين، لكنهم في حالة تأهب ". (ذكر، مدنين، 50 سنة، يشتغل)
- "الأمن قاعد يمشي في الاتجاه الصحيح. البولسية ولاو أكثر انضباط واحترام ". (ذكر، تونس، 52 سنة، يشتغل)
- "حسب ما قاعدة نرى، الحاجة الإيجابية بخصوص الناس إلي شادة الحكم توا، إنو فما نوع من الاتفاق مابين الأطراف السياسية والمجتمع المدني على كل شيء. والحوار إلي بينتهم بش يكون ناجح ". (ذكر، بنزرت، 38 سنة، يشتغل)

# توجّه البلاد

يعتقد عدد مماثل من المشاركين ان البلاد تسير في الاتجاه الخاطئ. و ذلك نتيجة الأسعار المتقلبة الغير مُراقبة وارتفاع معدلات البطالة - خاصة في صفوف الشباب، وتردي الخدمات بما في ذلك الرعاية الصحية والتعليم.

- "الفساد موجود في كل بلاصة على اكاكا لازمنا إصلاحات هيكلية. الإعلام مهوش ماشي في الاتجاه الصحيح. نحنا في حاجة لتغيير كبير في العقلية بش نتقدمو." (ذكر، الكاف، 46 سنة، يشتغل)
- "العيشة غلات و صعبت. البياعة قاعدين يحطوا في الأصوام على زي راسهم، وزيد نشريو خضرة فاسدة بميزان غلط." (أنثى، تونس، 55 سنة، ربة منزل)
- "نحننا مداينين عل لخر. قاعدين ناخذو في قروض بش ندفعوا شهاري، في بلاصت ما نحلو معامل ونعملوا مشاريع. ناخذو في القروض بش ناكلو." (ذكر، مدين، 48 سنة، يشتغل)
- "لازم القوانين تتطبق بحزم بش نوقفو التهريب الي قاعد يضر بالاقتصاد. لازمنا نركزو على خلق فرص عمل والصناعة خاطر عندها تأثير باهي و سريع. هادي أحسن حاجة نعملوها يزي مل الحلول المكلفة إلي الحكومة قاعدة تهز فها على ظهرها." (ذكر، تونس، 39 سنة، يشتغل)
- "السلطات لازم تلقى حل للكناثرية إلي يحبوا يعيشو. على خاطر منعهم من بيع السلع كما هو صاير تو مهوش حل. وقت إلي تلقالهم حل، وقتها تنجم تعاقب أي واحد يخالف القانون. انا سمعت إلي بش يوفرو لهم بلاصا يبيعوا فيها." (ذكر، بنزرت، 45 سنة، يشتغل)
- "أنا نخدم في السوق. تجيني ليستا متاع الأصوام و قاعد نلاحظ أنها تتزايد بطريقة غير مسبوقه. قبل، صوم النسيج كان يزيد مرة فلعام و تو يزيد مرة كل شهر!" (ذكر، بنزرت، 40 سنة، يشتغل)
- "أهم حاجة عندي هي الخدمة. في عائلتي، أنا نخدم في العمل التطوعي، و أختي بطالة، وعندي زوز اخوات في ليسي. بابا متقاعد. يخلص 150 دينار في الشهر." (ذكر، بنزرت، 27 سنة، يشتغل)

# أولويات المواطن

حصر المشاركون أكبر التحديات في تونس في النقص الفادح في مواطن الشغل، وارتفاع الأسعار، والحاجة إلى إجراء إصلاحات شاملة، مع الإشارة إلى عدم إستماع السياسيين لمشاكلهم. .

- "من الناحية الاقتصادية، الأمور ماشية و تزيد تصعب. شهاري المعلمين ما تزدتتش من عامين. العيشة غلات، قاعدين يزيدوا في القطاعات لخرى كيما البولسية." (ذكر، تونس، 31 سنة، يشتغل)
- "راجلي بطل. لايزي الفقر، لايزي اكثر الناس كارية ديار وزيد لازم ندفعو فاتورة الماء و الضو؛ وهذا برشا! (أنثى، مدنين، 40 سنة، ربة منزل)
- "ما فما حتى فايده. قاعدين يعيبو في جيوبهم بركة. بارح تفرجت في برنامج على المساعدات إلي جاتنا من قطر. وينهي هلفلوس هذي؟" (ذكر، بنزرت، 31 سنة، يشتغل)
- "ماناش قاعدين نحسو بلامان. معناش خدم قارة ولا تأمين صحي (CNSS) والناس ما عادش خالطة بش توكل صغارها (ذكر، تونس، 49 سنة، يشتغل)
- "ضغوط عائلتي متعبتني برشة. أول ما تخرجت، كان في بالهم بش نخدم طول، نعاون عيلتي، ونعرس. ثلاث سنين تعدات وما حقت شي." (ذكر، الكاف، 25 سنة، عاطل عن العمل)
- "المشكلة تبدأ داخل الإدارات من جرة الإضرابات، تسكير الإدارات، والاعتصامات. تمشي للإدارات تلقاها فارغة. و بعد نحطو اللوم على الحكومة، و نسينا نلومو على رواحنا خاطرنا ما نخدموش وما نونتجوش." (أنثى، الكاف، 45 سنة، تشتغل)
- "كيفاش تجي يوافقوا على الدستور من غير استفتاء؟ كمواطن انتخبت نواب بش يكتبو الدستور وبعديكة لازم يقيمو رضاي العام على الدستور هذا من خلال التصويت الشعبي. لازم ياخذوا موافقتي خاطرني انتخبتهم بش يمثلوني في المجلس الوطني التأسيسي." (ذكر، تونس، 39 سنة، يشتغل)



# أولويات المواطن

من مرضي إلى ضعيف هكذا يقيم المشاركون تقديم الخدمات في ثلاثة مجالات رئيسية - التعليم، والصحة، والأمن.

- "التعليم، والخدمات الصحية، والاقتصاد. لازمنا حلول سريعة، أما هاذم ماهمش قاعدين يعالجو في المشاكل الجذرية". (ذكر، بنزرت، 26 سنة، عاطل عن العمل)
- "بالنسبة للتعليم، لازم يحسنو المدارس. ولازم ينقصو مل الإتودات، صغارنا لازم يعملو على رواحهم بش يجيبوا معدلات باهية". (أنثى، بنزرت، 48 سنة، ربة منزل)
- "قبل امتحان البكالوريا، المعلمين لازم يعاونوا الطلاب بش يعرفوا هل انهم بش يلقاو خدمة بال الإختصاصات إلي بش يختاروها". (ذكر، بنزرت، 25 سنة، عاطل عن العمل)
- "المرّة إلي فاتت مشيت لسبيطار شارل نيكول في تونس، لقيت الموظفين عاملين إضراب، رصتلي رجعت إل بنزرت من غير حتى شيء. ملا خسائر!" (ذكر، بنزرت، 30 سنة، يشتغل)
- "أخيب حاجة عملوها هي الكاباس أنا مهندس، وقبلت بش نشارك في الكاباس، أما الوزارة ما قبلتش ترشحي مع 13,000 مرشحين آخرين. لازم علينا ندفعو تنبري 10 دينار. إلي هي وسيلة للحكومة بش تربح الفلوس". (ذكر، الكاف، 25 سنة، عاطل عن العمل)
- "البطالة هي الحاجة إلي شعلت الثورة. أما الدومان هذا قاعد يمشي ال تالي . ما ريتش حتى إنتداب من وقت الثورة". (أنثى، تونس، 35 سنة، تشتغل)

# أولويات المواطن

يولي المشاركون أهمية خاصة للانتخابات البلدية، وذلك لم فيها من حلول للمشاكل المحلية.

- "الانتخابات البلدية عندها أهمية تاريخية و جوهرية خاصة بلي يتعلق بالتنمية الإقليمية، والبيئة، والبنية التحتية والاستثمار. من هنا بدأ الفساد، ولازم على المواطنين التركيز." (ذكر، تونس، 32 سنة، يشتغل)
- "ياسر مهمين. الزبلة والناموس في كل بلاصة، وتوا الصيف جاي بحيث الأمور بش تزيد تفسد . توا قاعدين يعديو في نهارين والإ ثلاثة قبل ما يجيو يلماوا الزبلة." (أنثى، تونس، 46 سنة، ربة منزل)
- "الانتخابات البلدية، هي أهم من الانتخابات التشريعية خاطرها مربوطة بالبلاصة والبيئة الي يعيش فيها المواطنين". (ذكر، تونس، 61 سنة، متقاعد)
- " نشوفو في البقر يقصو في الطريق، ونراو الزبلة في البلايص الكل . بنزرت والات مسخة برشة ؛ العباد معاش تنجم تعيش لهذا على خاطر الوسخ. البلدية هي المسؤولة بش تحل المشاكل هادي ". (ذكر، بنزرت، 45 سنة، يشتغل)
- "المجالس البلدية والجهوية هي الأكثر أهمية خاطر ما عناش علاقة مباشرة مع المركز. خلينا نحكيو على الصعيد الجهوي، السلطة الأقرب هي البلدية وإلي يحتاجها المواطن بش يتعامل معها على أساس يومي." (ذكر، الكاف، 46 سنة، يشتغل)
- "الانتخابات البلدية هي الأكثر أهمية. هي الأساس. لازمنا نبنو أسس قوية مع عباد نظاف بش يتلهاو بالمشاكل الي تهم أكثر الناس ". (ذكر، مدنين، 60 سنة، يشتغل)

# الدستور

يتوفر لدى المشاركون معرفة قليلة بمحتوى الدستور الذي تمت المصادقة عليه ولكنهم ابدوا رغبة واضحة لفهم أحكامه والتطبيق العملي له، وذلك ليكونوا مواطنين مسؤولين.

- "قاعدين ينظمو في اجتماعات -أما مش بش يواعيو الناس بالدستور، بش يبدأو في حملتهم الانتخابية". (ذكر، تونس، 27 سنة، عاطل عن العمل)
- "حسب رايب مهوش دور المجلس الوطني التأسيسي أو الأحزاب السياسية. هادي مسؤوليتنا نحن لازم نقرأو الدستور ونشاركو في الجمعيات بش نفهمو كيفاش بش يتم تطبيقو في حياتنا." (ذكر، 34 سنة، عاطل عن العمل)
- "منح المزيد من الحريات وهاذي الحاجة إلي مطمئنتي. و المهم عندي هو تنفيذ القوانين على خاطر حتى دستور 1959 كن فيه قوانين مهمة، أما كانوا على الورق أكهو؛ نظرية ما وقعش تنفيذها ". (ذكر، تونس، 35 سنة، يشتغل)
- "ما نعرف شي؛ نعرف بركة إلي هما بدلو حاجات وزادو حاجات." (أنثى، بنزرت، 40 سنة، تشتغل)
- "ما نعرف شي على السياسة، أما تمنيت كان خلاو دستور بورقية . وبالطريقة هادي، ما نضيعوش الفلوس هذي الكل حرام ". (أنثى، الكاف، 46 سنة، تشتغل)
- " سمعنا حاجة واحدة على الدستور. إلي هو يتباع بألفين. " (أنثى، الكاف، 25 سنة، تشتغل)
- "لو كان جات دينيا دينيا راهو فما شوي جهد بش يحكيو على الدستور الجديد ويفسر الفرق بينو وبين القديم، أما ما عملوا شي." (ذكر، الكاف، 25 سنة، عاطل عن العمل)

# الإطار والعملية الانتخابية

انخفاض مستوى الوعي بقيادات الهيئة العليا المستقلة للانتخابات والخطوات المحتملة للعملية الانتخابية.

- "ما نعرفوهوش . نعرف اسمو بركة . " (أنثى، مدنين، 35 سنة، ربة منزل)
- "صرصار عندو مسؤولية كبيرة - في الدينيا و في الآخرة. دورو في تنظيم الانتخابات الجاية بش يكون حاسم في عينين المواطنين و ربي ، على خاطر العملية هذي بش تخلي البلاد تركز على الاحتياجات العاجلة بش نحققو الاستقرار الاقتصادي والسياسي ". (ذكر، تونس، 32 سنة، يشتغل)
- "السيد شفيق بيان أستاذ كفاء. مرة قال "خليوني نخدم" وهذا يبين شعوروا بالمسؤولية. أنا نقدر و أما السؤال لهذا: زعما يوفرولو الخلفية الكافية بش يقود انتخابات شفافة " (ذكر، الكاف، 61 سنة، متقاعد)
- "هو [صرصار] لازم يقدم روحو للناس، مثال، ماهيش فكرة خايبة كان يظهر مرة كل أسبوع. قداش عندو تو ملي شد رئيس ليزي؟ شهرين؟ كان كل جمعة يمشي الولاية و الناس تتلم و تحظر، بش يكون تواصل من الفم إلى الوزن. كنا نجمو نعرفو حاجة عليه. ياخي عمرو 40 سنة؟" (ذكر، بنزرت، 38 سنة، يشتغل)
- "ماناش متأكدين ملي جاي . والحاجة الباهية إنو المواطنين ينجمو يراقبو كل جوانب العملية بش يضمنو سيرها في الطريق الصحيح ". (ذكر، بنزرت، 26 سنة، عاطل عن العمل)
- "تتكون ليزي من 9 أعضاء أما المشكلة أنو ما نعرفوش شكون بش يمثلها في الانتخابات بش نجمو ناثقو بيهم. " (ذكر، الكاف، 39 سنة، يشتغل)

# الإطار والعملية الانتخابية

- تباينت الآراء حول إمكانية الهيئة العليا المستقلة للانتخابات من إجراء انتخابات حرة بطريقة شفافة .
- "عندي ثقة في ليزي أما ما عنديش ثقة فلمجلس الوطني خاطرهم قاعدين يوخرو في القانون الانتخابي بلعاني رغم إلي عندهم حاضر . " (ذكر، تونس، 39 سنة، يشتغل)
- "النقطة الأساسية هنا، هي شفافية التمويل بالطبيعة لازمنا نعرفو قداه الفلوس إلي بش تعطها الحكومة للأحزاب قبل الانتخابات، وزادا الفلوس إلي بش تلمها من أعضائها. علا خاطر من المهم برشا التأكد من أن الأحزاب السياسية مش بش تاخو فلوس من الخارج. " (ذكر، تونس، 64 سنة، متقاعد)
- "حسب رايي ليزي لولة خير من الثانية على خاطر الظروف الي جات ماكانش فيها إنتماء إلى أي حزب والأحزاب مش معروفين و لا حتى حاجة." (ذكر، بنزرت، 45 سنة، يشتغل)
- "ما نضنش أنو ليزي هي الضمان لإجراء انتخابات حرة ونزيهة. فما منظمات دولية الي بش تراقب الانتخابات ومش بش تسمح بأي تزوير . في الانتخابات إلي فاتت، مثلا، على الرغم من إنو كمال جندوبي، رئيس ليزي، كان معروف بإنتمائو للييسار و ما نجمش يآثر على نتائج الانتخابات " . (ذكر، الكاف، 32 سنة، يشتغل)
- "الأحزاب المتنافسة لازم تلتزم بمجموعة معينة من الأخلاق. الحاجة الثانية: مسألة الأميين والشخص الي بش يكون معاهم، بلحق موضوع يشكل مشكلة حقيقية " (ذكر، مدينين، 40 سنة، يشتغل)

# الإطار والعملية الانتخابية

تساعد العتبة على تعزيز تمثيل الحزب في البرلمان المقبل، على الرغم من أن البعض يخشى حرمان بعض الناخبين والأحزاب

- "أنا أفضل أنو يكون عدد صغير من الأحزاب بش نجمو نفهمو فش قاعدين يقولو. كي يداو كبار، مش بش تكون بينتهم مشاكل ، ونحن نجمو نفهمو فاش يقولو. " (أنثى، تونس، 35 سنة، تشتغل)
- "هذي فكرة باهية، على خاطر، في الانتخابات الي فاتت، رينا برشا احزاب سياسية خذات 50 مليون من الحكومة، وبعد ما نجمتش تجيب حتى صوت. العتبة بش توفر فلوس الحكومة. " (ذكر، مدنين، 40 سنة، يشتغل)
- "حسب رايب العتبة حاجة منطقية برشا على خاطر فالحقيقة ما نعيشوش في مجتمع منقسم نحكي من ناحية الأيديولوجيا. غالبية التونسيين مسلمين والباقي إماينتمي لليسار أو لليمين، وهادي ماهيش حكاية. على اكاكا نظن أنو العتبة ماهيش بش تؤثر سلبا على العملية الانتخابية ". (ذكر، تونس، 35 سنة، يشتغل)
- "توا في المجلس الوطني التأسيسي فما تشتيت للأصوات.فما قوائم تحصلت على مقاعد فقط بواحد في المية. تراه أخزر لسليم الرياحي على سبيل المثال.شنية القيمة إلي زاداها للبرلمان؟ حتى شي ". (ذكر، بنزرت، 26 سنة، عاطل عن العمل)
- "أنا مع فكرة وجود شوية احزاب و برشا ائتلافات مع وجود أجندة سياسية واضحة تعالج القضايا الاجتماعية والاقتصادية والسياسية." (ذكر، تونس، 35 سنة، يشتغل)
- "أنا أفضل برلمان فيه ثلاثة كتل سياسية مهيمنة". (ذكر، تونس، 39 سنة، يشتغل)
- "المركب إلي فيها خمسين كابيتان تغرق. برشة احزاب مع أفكار متعارضة تعطل الحاجات. حتى داخل الحزب يضرلي عنا خلافات ". (ذكر، بنزرت، 60 سنة، يشتغل)
- "العتبة حاجة باهية على خاطر الحزب إلي بش يجيب ازيد أصوات، بش يكون عندو ازيد ممثلين في البرلمان". (أنثى، بنزرت، 40 سنة، تشتغل)

# الإطار والعملية الانتخابية

اختلفت الآراء بشأن إقصاء شرائح معينة من المجتمع التونسي سواء من الترشح أو التصويت. يؤكد مؤيدو هذه الفكرة أنه يجب إعتداد معايير لتطبيق ذلك، بدلا من إقصاء جماعات أو أحزاب بأكملها، باستثناء قوات الأمن.

- "لازم يتعاملوا مع موضوع الإقصاء كيما يتعاملوا مع ماتش كورة - وقت إلي كوارجي يعمل غلطة ياخو ورقة حمراء. وهذا يعني أنو كل مسؤول و إلا عضو في حزب التجمع في حكومة زين العابدين بن علي، لازم يتمنع من المشاركة لمدة 5 أو 10 سنوات ". (ذكر، تونس، 35 سنة، يشتغل)
- "لازنا نقصيو الناس إلي شدت مناصب المسؤولية في النظام السابق. الامين العام لحزب النظام السابق هو توا في نداء تونس. يعني علاه عملنا الثورة؟ بالطبيعة، ما نجموش نقصيو 2 ملايين عبد إلي كانوا مع النظام السابق - أما نجمو نقصيو إلي كانوا مسؤولين على القتل و إلا الفساد " (ذكر، الكاف، 25 سنة، طالب)
- "وقت إلي نقصيو السبسي، هذا يرجع بالفائدة على الناس الي حطوا قانون الإقصاء خاطر يعرفو بش يخسرو قدامو. المقصود بسياسة الإقصاء هو مش عقاب الناس إلي عملوا حاجات غالطة في الماضي أما بش يقصيو على المنافسين إلي بش يتحصلو على فرصة أكبر للربح. " (ذكر، بنزرت، 26 سنة، عاطل عن العمل)
- "لا الجيش ما لازموش يصوتو، على خاطر ما لزمهمش ينتميو إل حزب سياسي. " (ذكر، تونس، 31 سنة، يشتغل)
- "كان المجرمة والسراق إلي كانوا يستغلو في الناس لازم يتقصاو. " أنثى، بنزرت، 67 سنة، ربة منزل)

# الإطار والعملية الانتخابية

يعتقد معارضو الإقصاء أنه ينبغي على الناخب اتخاذ القرار.

- "فما نوعين من الإقصاء - الإقصاء المعنوي لازم إلي خدموا مع بن علي يندبوا اليمين بش ما يشاركوش، أما الثاني هو الإقصاء الي يدلي بيه الناخب في خلوة الإنتخابات. أنا شخصيا نفضل التصويت للأفراد ومش للقوائم، على خاطر هذا يعطينا فرصة الاختيار المباشر لشكون بش يمثلنا ". (ذكر، الكاف، 46 سنة، يشتغل)
- "الإقصاء مهوش مقبول. كان تعرف حد عمل جريمة، قدمو للمحكمة ". (ذكر، بنزرت، 38 سنة، يشتغل)
- "أنا عندي مشكلة مع النهضة، أما أنا ضد الإقصاء. نحب الناس الكل تشارك، على خاطر كان بش نقصيوهم بيوليو ضحايا كيما كانوا قبل. " (أنثى، الكاف، 38 سنة، تشتغل)
- "الجندي هو زادة مواطن. ما نراش علاه ما يصوتش. عندو وجهة نظر كيما أي شخص عادي. بعد الخدمة، ينحي الكسوة ويولي كيما أي مواطن ". (ذكر، بنزرت، 42 سنة، يشتغل)
- "خلينا نفترضو إنو حكومة جمعة تواصل نجاحها ويتحسن الوضع. وقت إلي تجي الإنتخابات، زعمة نبدأو من جديد مع ناس ما نعرفوهمش و ما ثبتوش رواحهم؟ " (ذكر، تونس، 31 سنة، يشتغل)
- "الميلتار هو ما تونسيين كيما أي حد آخر. لازم يسمحهم بالتصويت. " (أنثى، مدينين، 47 سنة، تشتغل)



# الإطار والعملية الانتخابية

يتفق المشاركون على أن إرث تونس التقدمي لحقوق المرأة هو جدير بالثناء، إلا أن دور المرأة في السياسة - بما في ذلك الحملات الانتخابية في المستقبل، وتقلد المناصب - يحظى بدعم متواضع..

- "المرا لازم تكون ممثلة، خاطر كان النساء تنجم تفهم احتياجات المرا؛ دافع عليهم وتحمي حقوقهم. أما التو، هو كلام على الورق أكهو". (أنثى، الكاف، 56 سنة، تشتغل)
- "نحن مع التناصف ما دامو بش يخدم مجتمعنا. بالطبيعة، وهذا لازم يكون في الحدود الي حطها الدين ومن غير حتى تجاوزات ... وكما قال نبينا محمد "لا خير في أمة تقودها امرأة." (ذكر، تونس، 31 سنة، يشتغل)
- "أنا مع التناصف كان ماهوش على حساب العايلة. كان المرا بش تسبب دارها على خاطر التناصف هذا مش باهي. (أنثى، تونس، 66 سنة، متقاعدة)
- "نجمو نطبقو التناصف العمودي كان كل المرشحين عندهم نفس المستوى التعليمي. حسب رايك المرا الريفية تنجم تمثل الشعب وتناضل من أجل حقوقو؟" (ذكر، الكاف، 61 سنة، متقاعد)
- "المشكلة هنا أنو المرا ممكن تكون ماهيش كفاء وتتخط بركة بش تضمن التناصف. ممكن بعد أربع و إلا خمس انتخابات من توا، المرأة تكون أكثر حماس بش تشارك بلحق في المجالس". (ذكر، تونس، 64 سنة، متقاعد)
- "كان يولي عنا نصف الأعضاء نسا، ربنا. على خاطر النساء أقل عرضة للتورط في الفساد المالي." (ذكر، بنزرت، 38 سنة، يشتغل)
- "من الأفضل أني نركزو على الكفاءة ومش على التناصف الكلي." (ذكر، بنزرت، 42 سنة، يشتغل)
- "أنا مانيش ضد المرا، أما حسب رايي ما لازمناش نفرضو التناصف. تنجم تكون 60 في المائة من النساء و 40٪ من الرجال، أما ما لازمناش نفرضوها. على خاطر ساعات بش يضمونو التناصف في القوائم الانتخابية، يحطوا نساء ما عندها في السوق ما تذوق في السياسة بركة جيبينهم بش يعيبو المناصب." (ذكر، الكاف، 32 سنة، يشتغل)

# الإطار والعملية الانتخابية

يعد المراقبون عنصرا حاسما لحماية العملية الانتخابية، وللتصدي للمخالفات الانتخابية المتوقعة بشكل كبير من قبل الأحزاب.

- "كنت واحد من الملاحظين في الانتخابات الي فاتت، كانت تجربة باهية؛مشينا من مدرسة إل مدرسة؛ راقبنا إجراءات الانتخابات، ولاحظنا برشا تجاوزات. بالطبع كتبنا التقارير. " (أنثى، الكاف، 50 سنة، تشتغل)
- "ممثلين الأحزاب ما لزمهمش يدخلوا. لازموا يراقب بركا، وما عندوش الحق بش يحكي مع الناخبين. " (أنثى، تونس، 66 سنة، متقاعدة)
- "ممثلين الأحزاب باهين كان ما يدخلوش لازمهم ما يعبروش على حتى راي. القلق متاعي الوحيد هو أن وجودهم يمكن يؤثر على الناخبين الأميين ". (ذكر، بنزرت، 45 سنة، يشتغل)
- "هو ما [ممثلين الأحزاب] دورهم التحقق من نتائج متاع حزبهم لا أكثر و لا أقل. كان يحاولو يأترو على التصويت، لازم يخرجوا. " (ذكر، الكاف، 25 سنة، طالب)
- "مساهمة الملاحظين الدوليين في غاية من الأهمية لتسويق صورة إيجابية عن الديمقراطية في تونس، أما لازم يبرهنو على الأداء المهني الدقيق. " (ذكر، الكاف، 61 سنة، متقاعد)
- "وقتلي يريج حزب، ينجم الحزب الآخر ما يقبلش النتيجة على اكاكا الملاحظ الدولي يمكن يسوي النزاع بينتهم على خاطرنا محايد. " (ذكر، مدنين، 40 سنة، يشتغل)
- " يكلفونا برشا فلوس و هو ما مجرد صورة قدام العالم. هما لالعلاقة عنا ناس باهين وبطالة ونجمو نعملو عليهم في المهمة هذي . شنية بش يزيدونا هالملاحظين الدوليين حتى شي ". (ذكر، مدنين، 30 سنة، يشتغل)

# الإطار والعملية الانتخابية

يلتزم معظم المشاركين بالتصويت في الانتخابات المقبلة لأنها توفر لهم فرصة لإحداث تغيير، على الرغم من أن البعض يعبر عن خيبة الأمل من قيمة التصويت.

- "أنا مانيش عضو في حزب، وإلي بش نقولو تو مهوش دعاية لصالح حد. لزمنا الكل نعبرو على رأينا من خلال التصويت، ونشجعو أمهاتنا وأباءنا وصحابنا بش يختارو. كان ما بش نصوتوش، ينجم واحد ما نحبهوش يشد السلطة". (ذكر، تونس، 31 سنة، يشتغل)
- "التصويت مهوش مجرد حق بل واجب. كان ماناش مرتاحين بالوضع الحالي، وهادي هي فرصتنا الرئيسية بش نبدلو الامور من خلال صناديق الاقتراع". (أنثى، مدين، 37 سنة، تشتغل)
- "صوت المرة إلي فاتت، وما تبدل شئى . مالا علاش نصوت مرة أخرى؟" (ذكر، تونس، 35 سنة، يشتغل)
- "انا ماشي بش نصوت المرة هذي على خاطر المرة لخرة عملت غلطة وندمت! و المرة هذي عندي فكرة لشكون بش نصوت وان شاء الله بش نصوتلوا". (ذكر، بنزرت، 54 سنة، يشتغل)
- "تأجيل الانتخابات بعد عام 2014 بش يكون أول خرق للدستور، وكان هكى، بش يكون ضربة ضد مصداقيتو". (ذكر، تونس، 31 سنة، يشتغل)
- "كل واحد لازم يصوت ، أولا، بش نتجنبو شنية جري المرة لخرة وقتلي ظهرت قوائم مش معروفة ، وثانيا بش ندلي بصوتي بش ما يتسرفش بشكل غير مباشر". (ذكر، بنزرت، 26 سنة، عاطل عن العمل)
- "نحب صوتي يتسمع، حتى بورقة بيضاء". (ذكر، مدين، 40 سنة، يشتغل)

# الجهات الفاعلة والعملية الانتخابية

يشعر المشاركون بخيبة أمل وغضب من جراء ما يعتبرونه مناقشات غير ضرورية تؤخر العملية السياسية. هذه التوترات تؤثر سلبا على الحياة اليومية.

- "وكيما يقول المثل لا الذيب يجوع ولا الراعي يتشكى، وهذا يعني العباد الكل راضية. وبالتالي يمكننا نحلو المشكلة هذي من خلال التفاهم المتبادل". (ذكر، بنزرت، 45 سنة، يشتغل)
- السياسيون معاش يحترمومهم. ولاو معروفين مليح حتى عند الأطفال الصغار علي خاطر وسائل الإعلام يصورو في طموحاتهم بش يولي رؤساء. سلوكهم في المجلس الوطني التأسيسي، والنقاشات في التلفزة - حاجة تحشم" (أنثى، بنزرت، 26 سنة، طالبة).
- "السياسة تؤثر على حياتنا -مش حتى في الدار بركة، حتى في الخدمة.كان رئيسك ينتمي إلى حزب سياسي، وإنتي من حزب آخر، تو يعاقبك". (ذكر، تونس، 31 سنة، يشتغل)
- "لازم على الأحزاب السياسية تحترم بعضها و يلزمهم بينيو علاقة حقيقية وأصيلة مع المواطنين". (ذكر، الكاف، 46 سنة، يشتغل)
- "أنا مانيش قارية أما بطلت الفرجة عل الأفلام وبدات نتبع كل يوم في الأخبار بش نعرف اش بش يصير . وليت مدمنة ". (أنثى، تونس، 55 سنة، ربة منزل)
- "كي نحب نضحك،ندخل للفيسبوك و إلا نتفرج في فيديو علي يوتيوب علي السياسة. السياسة بالنسبة ليا هي النكت على خاطر درجة التحضر هابطة عل لخر والسياسيين ناقصين أخلاق أساسية". (أنثى، مدينين، 27 سنة، تشتغل)
- "زيد علي حقيقة أن النهضة فشلت في إدارة البلاد، شنوا دور المعارضة؟ ما إقترحوش حتى برنامج بش ينقذ البلاد وقت إلي مغلب الأحزاب فشلت بش تعمل هكي؟ و إلا هوما موجودين بركة بش يعارضوا! " (ذكر، تونس، 52 سنة ، يشتغل)
- "بصراحة، السياسة تؤثر على حياتنا في كل وقت. كل هالانتماءات السياسية خلقت خلاف بين الطبقات المختلفة. " (ذكر، بنزرت، 38 سنة، يشتغل)

# الجهات الفاعلة والعملية الانتخابية

رغم وجود بعض الأحزاب في الجهات ، إلى أن ذلك لا يتعدى التوجه بالخطاب للمواطنين فقط

- "نحلم إنو نهار من نهارات الأحزاب السياسية تنظم حدث وإلى تبادر ببرنامج بش توعي الناس على السياسة، في بلاصة ما يعيطولنا بركة بش نصوتولهم " (ذكر، تونس 25 سنة، يشتغل)
- "قاعدين نشوفو كان في العرك ما بن مناصري الأحزاب السياسية في القهاوي. الأحزاب بدأت حملتها الإنتخابية قبل الوقت، وهذا دليل على الأناية متاعهم. المناصرين بركة قاعدين يتعاركو و لا واحد فالأحزاب قاعد يلوج شنية المهم بالنسبة لينا" (ذكر، تونس، 31 سنة، يشتغل)
- " الجمعة إلى فاتت النهضة عملت إجتماع لهناء، والجهة الشعبية زادة نهار عيد الشهداء. حتى نداء تونس عملوا إجتماع" (ذكر، الكاف، 41 سنة، يشتغل)
- " نجيب الشابي جاء الراس الجبل. قتلوا راني بطل أما عند فلوس، ياخي بدا بالوعود متاعوا" (ذكر، الكاف، 41 سنة، يشتغل)
- " مشيت البارح لإجتماع متاع حزب. جابو مأكلة و مشروبات وحكاو برشة حديث. أما ما سنلونا شي على مشاكلنا. " (ذكر، بنزرت، 27 سنة، يشتغل)
- " لزمهم يتعلموا من أخطاء إلي قبلهم بش يعملوا برنامج يوري إلي هما حاسين بالوضع في البلاد " (أنثى، تونس، 35 سنة، تشتغل)
- " علاش الأحزاب ما تمشيش لناس لديارها ؟ على خاطر برشة عباد ما تنجمش تحضر للإجتماعات " ( أنثى، مدين، 35 سنة، ربة منزل)
- " وقتلي الحزب يخدم من بيروه إلي في تونس ما ينجمش يعطي حلول لبني خداش مثلاً. لازم يتحركوا ويسئلو الناس على مشاكلهم " (ذكر، مدين، 60 سنة، يشتغل)

# الجهات الفاعلة والعملية الانتخابية

النصيحة الرئيسية التي يقدمها المشاركون للأحزاب السياسية هي التشاور أكثر مع الشعب التونسي، وذلك لمعاملة جميع المواطنين باحترام، والتركيز على إيجاد حلول ملموسة.

- " نحبهم ينقصوا العرك، بش يحسن من نوعية كلامهم، ويرتقيو بالنقاشات متاعهم. خاطر حاجة خايبة بالنسبة لينا كمواطنين نشوفو النخبة متاعنا يتعاركو كي الصغار" ( ذكر، تونس، 32 سنة، يشتغل)
- " الأحزاب لازم تخرج لي الشارع كما انتوما عاملين تو. لازم يسئلو الناس " شنية إقتراحتكم؟". وهذا لازم يتعدى في التلفزة وناس تجاوب على المباشر" (ذكر، بنزرت، 38 سنة، يشتغل)
- " لازم يخلقو لجان لنساء وشباب" ( أنثى، بنزرت، 25 سنة، عاطلة عن العمل)
- " كون واقعي وأوعد بحلول تنجم تتحقق. ما تقولش الخبزة بش تولى ب-100 وإلا العلاج بش يولي بلاش" ( ذكر، مدينين، 40 سنة، يشتغل)
- " نحبو نشوفو الأحزاب عندها دور في حياتنا اليومية، على خاطر ما نشوفهم كن في فترة الحملات الانتخابية. نحبهم يتلاهاو باحتياجتنا ومشغالنا. وقتلي الوسخ قتلنا شكون سنل علينا ؟ حتى حد؛ لمينا الزبلة ونظفنا حومنا برواحنا" ( أنثى، الكاف، 38 سنة، تشتغل)
- " نحبو السياسيين يتلاهاو بالشباب. على خاطر شبابنا تو قاعد ينتحر ويستعمل في الزطلة؛ وصلنا الوقت إلي فيه شبابنا قاعد يحرق في روجو من جرة البطالة والحرمان" ( أنثى، الكاف، 45 سنة، تشتغل)
- " قاعدين يتبهاو ويريو في رواجهم تقولش عليهم عاملين علينا مزية بالدستور. قاعدين يعملوا في اجتماعات بش يهنيوا رواجهم. وقتاش بش يبدوا يركزو على مشاكل بقية التوانسة؟" ( ذكر، مدينين، 25 سنة، يشتغل)

# نصيحة الى رئيس تونس المستقبلي

- " ثلاثة حاجات؛ يتعلم ملي جرى لدكتور ( بن علي، صدام حسين ، قذافي)؛ يكون جريء وقوي؛ وما تخليش الناس تأثر على قراراتك" ( ذكر، تونس، 31 سنة، يشتغل)
- " نحب نقلو حاجة رنا انتخبناك على خاطر برنامجك يعني مدورش فالحياصة وطابق إلي قلتو" (ذكر، تونس، 35 سنة، يشتغل)
- " نحب الرئيس الجاي يعرف كيفاش الدولة تمشي، يعرف يحكي مع التوانسة و الناس إلي البرة. لزم يكون عندو خباثة الثعلب وقوة الصيد" ( ذكر، بنزرت، 38 سنة، يشتغل)
- " نحبو يكون شاب وعندو خبرة. ما نحبش حد كبير يكون كما الماريونات كما بورقيبة" ( أنثى، بنزرت، 42 سنة، تشتغل)
- " نحبو يمشي للأرياف على خاطر منحسوش بالسياسين داخلين في حياتنا اليومية" ( أنثى، بنزرت، 42 سنة، تشتغل)
- " ما لزمش تكون عندو عايلة كبيرة" ( أنثى، الكاف، 46 سنة، تشتغل)
- " لازموا يعالج 3 حاجات ؛ الصحة، التعليم، والشباب" ( أنثى، الكاف، 45 سنة، تشتغل)
- " لازمك تقول على شهريتك وممتلكاتك قبل ما تشد الحكم" ( ذكر، الكاف، 25 سنة، طالب)
- " لازموا يكون ديمقراطي عل لخر، ويخدم البلاد" ( ذكر، مدين، 60 سنة، متقاعد)
- " لهننا في مدين، المشاركة في السياسة هي إرث، أكثر منها إختيار. يعني أي واحد يحب يحكم بالباهي لازم يفهم عقليتنا" ( ذكر، مدين، 26 سنة، عاطل عن العمل)

# أوليات- تونس

- الحد من تلوث الهواء الناجم عن المصانع والازدحام المروري.
- جمع القمامة بطريقة منتظمة .
- معالجة تضخم تكاليف السلع والخدمات.

- "الوضع الإقتصادي في تونس أخيب من برشة بلايص أخرى - نقصد العيشة غالية على للمواطنين. تونس تعبات و ناس تتسابق بش تستهلك. على اكاك البياعة تستغل فالالحكاية ويزيدوا في الأسوام" ( ذكر، تونس، 32 سنة، يشتغل)
- " شهرتي 250 د ، 180 منها كرا متاع الدار إلي نعيش فيها انا وبنتي. انا نعاني من مرض مزمن (الفدة). مذبية الناس الكل تولي عندها ديار نحب الخير للبلاد الكل مش كن الروحي " (أنثى، تونس، 42 سنة، تشتغل)
- "توا فما أزمة مساكن في تونس واذاكا على خاطر عنا برشة بالاصات فارغة و الملاك متاعها ما يحبوش يسلمو فيها للناس المحتاجة" ( ذكر، تونس، 49 سنة، يشتغل)
- " الكونترا والسوق السوداء هوما الحاجات إلي هلكا الإقتصاد متاعنا. ليونس إلي كن يتباع فالحدود متاعنا تو وصل للعاصمة. الكونترا بعد كل شي هي المضاد لفشل الحكومة بش توفر خدم لناس على إككك نلقاو فئة صغيرة رابحة مهنة والإقتصاد تهلك من جرتها . كان الحكومة ما تاقفش بجدية ضد هلمشكلة الإقتصاد بش يزيد يمشي للهاوية الكناترية لازم يتعاقبو." ( ذكر، تونس، 64 سنة، متقاعد)



# اولويات- بنزرت

•الارتقاء بنوعية الخدمات والمعدات في المستشفيات المحلية.

•التصدي للتحديات المتعلقة بالنفاز عن طريق الجسر.

•تشجيع المستثمرين على إعادة فتح المصانع المغلقة منذ سنة 2011

• " الخدمات الصحية ياسر متدهورة. دوايات ماهيش موجودة. الكنام مهوش يعطي لناس حتى معلومة على كيفية الدفع. ما تتجمش تتحصل على علاج خاص في بنزرت" ( أنثى، بنزرت، 35 سنة، تشتغل)

• " التعليم زادة متدهور. عندهم برشة كتب وكرارس. وخلي عدة الايتودات . كان ما تدف عش للاوتيد ترسي للأولادك ياخذوا أعداد خايبة. التعليم ولا تجارة. " ( أنثى، بنزرت، 40 سنة، تشتغل)

• " فما برشة شركات في ماطر عاملين تكسستية على ذمة خدامتهم. مرتي مثلا ديمة تعب من ترانسبور" ( ذكر، بنزرت، 28 سنة، يشتغل)

• " كن على الكياسات، كلهم خايبين والحفر موجودين في كل بلاصة. وكان على الأمن، الأمن مش موجود في بنزرت" ( ذكر، بنزرت، 38 سنة، يشتغل)

• " معمل تصليح البطوات سكومينة كان في منزل بورقبيبة. يخدم 3000 و-4000 عامل من جهتنا. تو تسكر، من جرت الإعتصامات والكياسات الخايبة. الحوم معيبة بالزبلبة." ( ذكر، بنزرت، 38 سنة، يشتغل)

• " جسر بنزرت هو القطوسة الكحلة متاع بنزرت. الجسر هو رمز البنزرت إما هو إلي مآثر على التجارة والنقل" ( ذكر، بنزرت، 42 سنة، يشتغل)

• " بنزرت باهية كبلاصة متاع عيشة. حاجة واحدة ناقصتنا هي مارينا" ( ذكر، بنزرت، 33 سنة، يشتغل)

• " ستير و مصنع ستيل هو ما إلي هلکوا الكياسات لهذا ، مالا لازم يتكفل بتصليحهم" ( أنثى، بنزرت، 25 سنة، عاطلة عن العمل)

# أولويات- الكاف

- تحسين خدمات الرعاية الصحية، بما في ذلك برامج العلاج التي تستهدف الشباب للوقاية من المخدرات .
- تشجيع الاستثمار في مصانع تحويل القمح والحليب.
- تحسين البنية التحتية للطرق لزيادة السلامة للسكان والحد من أوقات السفر بين تونس والمدن الساحلية.
- " على خاطر الناس تمشي للساحل بش يخدموا صغارنا مش بش يلقاوا ناس تستثمر لهننا. لازمنا نبدأو نحسنو في البنية التحتية ونشجعو على الإستثمار" ( ذكر، الكاف، 46 سنة، يشتغل)
- " الكاف تنتج القمح إما معمل الفارينة في صفاقس. سؤال يطرح نفسو لهننا وإنت إفهم الباقي" ( ذكر، الكاف، 46 سنة، يشتغل)
- الكاياسات دمرت كراهبنا. البنيات التحتية هي السبب الرئيسي ورا نقص المشاريع . حتى مستثمر ما بش يجي لها ونحن معناش الغاز د فيل" ( أنثى، الكاف، 38 سنة، تشتغل)
- "فما مثل يقول كل بلاد تخدمها رجالها. فيالكاف عانا كنوز. معروف علينا إنو نسانا تخدم أكثر من رجالنا . عنا كل شي لهننا إما ما عملنا به شي" ( أنثى، الكاف، 46 سنة، تشتغل)
- " كان تغزر لالشباب لهننا، كلهم مدمنين متاع زطلة. يعيشوا كل نهار ونهارو . منش قاعدين نلوجو على خدم لهننا خاطر معناش خدم أصلاً" ( ذكر، 25 سنة، الكاف، عاطل عن العمل)
- " مكتر شباب الكاف تو فالحبس على خطرهم سلفيين . وإلي عندهم فلوس يصرفوا فيها على الشراب والزطلة ما فما حتى حاجة أخرى تنجم تعملها لهننا " ( ذكر، الكاف، 27 سنة، يشتغل)
- " الكاف هي منطقة فلاحية، إما مانش ماخذين حظنا. كان ينجم يكون عنا مصانع متاع حليب مثلاً" ( ذكر، الكاف، 27 سنة، عاطل عن العمل)

# أوليات - مدنين

- تنظيم التجارة مع ليبيا بشكل يتيح للسكان المحليين العمل بطريقة قانونية وآمنة.
- الحد من تدفق الأسلحة من ليبيا لتعزيز الأمن المحلي والوطني.

• "الوضعية مع حلان وتسكير الحدود ولايات مشكلة. نحبو قوانين تنظم الحكاية بش نقص مل الكونترا. العباد تتلز بش تخدم في هالتجارة هذي على خاطر الإقتصاد ضعيف. كيف كيف لازم ينقصولنا من صوم الماء والضو" ( أنثى، مدنين، 37 سنة، تشتغل)

• " كان هو [جمعة] سكر معبر راس جدير ، هذا كان على خاطر بش ينظم التجارة. نحن محتاجين للحكاية هذي بش نمنعو دخول الأسلحة لبلادنا. انا قاعد نرا إنو جمعة قاعد يعمل في مجهودو و لازمنا وقت بش نراو النتائج" ( أنثى، مدنين، 55 سنة، ربة منزل)

• " مدنين هي بركان ساكت، سكتنا ياسر، وما خذيناش حتى حق. مارينا شي لا قبل الثورة ولا بعدها. على خاطرنا ديمة ساكتين، متربين ونقدرو وما نحبوش نعملو مشاكل. نحنى في مدنين الكل أهل ومعناش مشاكل مع بعضنا " ( ذكر، مدنين، 39 سنة، يشتغل)

• " أنا مذبية تكون فما إضرابات ضد تجارة الأسلحة غير المشروعة. الكميات متاع الأسلحة المصادرة كبيرة برشة مذبية احتجاجات على الحكاية هذي. بالنسبة للإضرابات هذي مربوط بالحومة" ( أنثى، مدنين، 35 سنة، ربة منزل)

• " زطلة والات منتشرة وما فماش بوليسية. كان تخرج نص الليل حتى حد ما يشدك" ( أنثى، مدنين، 45 سنة، ربة منزل)

• "البراكاجات موجودين من قبل إما ممكن ما كناش نسمعو بهم. ممكن زادة عدد البراكاجات كان أكثر. تو ولينا نسمعو بكل شي. تو كل واحد حر بش يعبر. برشة عباد قاعدين يستعملو في حرية التعبير بطريقة خايبة. برشة عباد في بالهم نجمو نقول كل شي أما من رايبى لازم نختارو كلامنا قبل" ( أنثى، مدنين، 40 سنة، ربة منزل)